



UNIVERSITÄTS-
BIBLIOTHEK
PADERBORN

Universitätsbibliothek Paderborn

De Archicancellariis Sacri Romani Imperii Ac Cancellariis Imperialis Avlae

**Mallinckrodt, Bernhard von
Monasteri[i] Westphaliae, 1640**

Rvdolphvs II Imp.

urn:nbn:de:hbz:466:1-11835

MAXIMILIANVS II Imp.

Ioannes
Huldricus
Zasius.

Ioannes Vdalricus Zasius apud Maximilianum II iam tunc à Cancellis fuisse videtur, quo tempore is viuente patre Regis Romani titulo decoratus, necdum legitimo regimini se immiscuerat. Atque hanc causam fuisse non dubito, quòd amoto tantisper Webero, Vice-Cancellarius Imperij constitutus sit, cum imperare herus suus cœpit. Fuit hic Magni illius Zasij Constantiensis, qui primarijs Italiae Galliaeque Iuris Cæsarei restauratoribus & interpretibus per doctissima scripta sua accenseri meruit, Professoris Friburgi Brisgoæ filius, cuius etiam postuma quædam euulgauit. Annum mortis Melchior Adamus non adnotat, contentus dixisse, casus Seldiani consortium; licet tunc quidem præsentem necem euaserit, acceleratæ mortis eius causam extitisse. Namque annos haud ita multos superuixit. Huic deinde eundem Weberum, qui sub Ferdinando hanc stationem obiuerat, successisse certum est, qui an. 1572, 1573 & 1575 subscripsit Maximiliani Diplomata, quæ vidi & legi.

* communi
curru ve-
lus hic est,
cum ille
periret.

VVolfgan-
gus Haller.

Secretarium status, siue Imperialium expeditionum sub hoc & duobus præcedentibus Imperatoribus, eius socero patreque, egit VVolfgangus Haller vir præclarus, in quo candorem, sinceritatem, fidem atque constantiam commendat, ac præterea virtute, eruditione & pietate clarissimum vocat Simon Schardius IC Camera Imperialis Assessor, qui ipsi Epistolas Petri de Vineis an. 1566 editas inscripsit.

RVDOLPHVS II Imp.

Sigism.
Vieheuser.

Primus, qui functus sit sub Rudolpho Vice-Cancellariatus officio, Sigismundus Vieheuser hætenus à me repertus est; quem Kirchnerus refert lib. 4. cap. 3. Extat Priuilegium Rudolphi Imp. datum subditis Ducis Iuliacensis, &c. de non euocando an. 1580, hac subscriptione: Vice ac nomine Reuerendissimi Domini, D. Danielis Archi-Episcopi, Archi-Cancellarij & Electoris Moguntini, Vr. S. Vieheuser. Ad Mandatum S. Cæs. Maiest. proprium. A. Erstenberger.

Iacobus
Curtius à
Senffte-
nauv.
Ioan.
VVolfgan-
gus Frei-
monius.

Iacobus Curtius à Senfftenauv, Vieheuseri, ni fallor, Successor fuit. Hunc Bucholtzerus in *Indice Chronolog.* celebrat omnium studiorum, in primis verò Mathematicorum, amatorem fuisse. Obijt mense Maio an. 1594. cum se ad iter Comitiorum Ratisbonensium præpararet. Ioan. VVolfgangus Freimonius in Oberhausen Ingolstadiensis, an. 1546, 14 Martij, (inci-

(incidit ille hoc anno in Dominicā Inuocauit) lucem primā aspexit. Hic vir in iure doctissimus, & scriptis editis clarus, ad Cæsaream sibi aulam aditum patefecit; & ex Imperialis Camera Spirensis Assessore ad Palatinam vocatus militiam, ex Consiliario tandem Aulico ad Vice-Cancellariatum conscendit. Extant tom. 2 Braunsch. Historisch. Händell / pag. 747, Cæsareæ ab hoc subscriptæ literæ, anno 1595. Edidit præter Auctorum iuris Catalogum, Symphoniam vtriusque Iuris Chronologicam, insigne & necessarium Iuris studiosis opus, Enchiridion Locorum Communium, Observationum Iuridicarum crepundia, libros duos Schematismorum de Processus Iudiciarij ordine, &c.

Rudolphus Coraducius Legum Doctor Italus, è Fori Iulij, ni Rudolphus fallor, eâ parte, quæ Austriacis paret, progenitus, subscripsit vnâ cum Andrea Hannevaldo anno 1604, Decretum Cassatorium in causâ Braunsu-
censi. tom. 2 Braunsch. Historischer Händell / pag. 495.

Leopoldus à Stralendorff, Eques Megapolitanus, cùm vxorem haberet Balthazaris à Dernbach Fuldenfis Abbatis, in exilio agentis, germanam, causam ~~seforij~~ sui in aula Rudolphi Cæsaris tam dextrè & peritè egit, vt Leopoldus à Stralendorff. non tantum restitutionem illius obtinuerit, sed etiam plurimorū sibi fauore conciliato, ac in primis Cæsari ipsimet probatus, in Aulici Consilij senatum assumptus, & consequenter proximâ Vice-Cancellariatūs vacantiâ ad illud togatæ militiæ fastigium promotus fuerit. Filium reliquit Petrum Henricum, paternæ virtutis & dignitatis, vt suo loco indicabitur, heredem.

MATTHIAS Imperator,

Ioan. Ludouicus ab Vlm, è nobilitate Imperiali Rhenanâ, Dominus in Morbach, Wangen, Mittelbibrach & superiori Salmeting, vniuersum ferè Matthiæ Imperium occupat; nec hactenus alios eiusdem officij confortes erui. Summæ rerum sub hoc Cæsare curam & directionem Cardinalis Clefeli Viennensis ciuis & Episcopus respexit, magnâ apud plerosque prudentiæ laude; quâ tamen, vt sunt omnia humana fluxa & instabilia, præcauere nequiuit, quin & ipse tandem Fortunæ ludus & humanæ infelicitatis nobile exemplum fieret.

FERDINANDVS II Imp.

Hic ante Imperium Procancellarium habuit Leonardum Gezium, Leonardus Gezius, qui